



Inatsisartuni ilaasortaq Jørgen-Ole Nyboe Nielsen  
Demokraatit

/Maani

**KNR-imi oqaatsinik ilinniartitsineq pillugu § 37 naapertorlugu apeqqummut nr. 120-mut akissut**

21. maj 2012  
Sagsnr. 2008-006061  
Dok. Nr. 908409

Postboks 260  
3900 Nuuk  
Tlf. (+299) 34 50 00  
Fax (+299) 34 66 66  
E-mail: ikinn@nanoq.gl  
www.nanoq.gl

Apeqqutit qujassutigalugit ilisimatitsissutigissavara, apeqqutit Ilinniartitaanermut Iisimat-  
usarnermullu Naalakkersuisoqarfimmut kiisalu KNR-imut tusarniutigineqarsimmata,  
KNR-ip kisimiilluni suut aallakaatinneqassanersut aalajangertarmagit.

1. KNR TV akunnerni 24-ni ataannartumik aallakaatitsineq ajorpoq. Naalakkersu-  
isut eqqarsaatiginikuunerlugu piffissap aallakaatitsiffiunngitsup kalaallisut,  
danskisut aamma/imaluunniit tuluttut ilinniartitsissutinik aallakaatitsivittut ator-  
neqarsinnaanera?

KNR TV minnerpaamik ullut tamaasa nalunaaquttap pingajuata affaanik sivilisusilim-  
mik nunatsinni aallakaatitassiarineqarsimasunik, aasaanera kisiat pinnagu, aallakaatit-  
sisarpoq. Aallakaatitat sinneri DR-imit, ingammik DR1-imeersunik, aallakaatitassiar-  
ineqarsimasunik immerneqartarput. KNR TV piffissap aallakaatitsiffiusinnaasup paasis-  
sutissanut suungaluartunulluunniit ilinniartitsinermullu atorneqarnissaa pilerinartorujus-  
suvoq, periarfissallu ilagisinnaavaat kalaallisut, qallunaatut tuluttullu ilinniartitsineq. KN-  
R-ip soorunami piffissap TV-mi aallakaatitsiffiusup ilaa suliniummut taama ittumut atu-  
gassanngortissallugu ammaffigilluinnarpaa.

2. Taamatut oqaatsinik ilinniartitsinermi iluaqutaasutut akorngutaasutullu Naa-  
lakkersuisut takusinnaavaat aamma aallakaatitassianik ilinniartitsissutinik sana-  
nerup akeqarsinnaanera Naalakkersuisut qanoq taggippaat?

TV-kkut oqaatsinik ilinniartitsineq arlalinnik iluaquteqarlunilu ajoquteqarsinnaavoq.

Iluaqutit:

- TV-p tusagassiutitut siammarsimanera 100 %-ingajaavoq, taamaattumillu kik-  
kunnit tamanit isiginnaarneqarsinnaavoq – taamaattumillu aamma atuisorpassu-  
aqarluni.
- TV atorlugu oqaatsinik ilinniartitsinermi tusarnaartoqarsinnaallunilu isiginnaar-  
toqarsinnaavoq – aqqutinit pingasuusunit "aqqutit" marluk atorlugit ilisimasanik  
pissarsisoqarsinnaavoq. "Aqqutit" pingajuat = "iliuseqarneq/misileraanerlu TV  
aqqutigalugu piviusunngortinnissaa ajornakusoorsinnaavoq, kisianni assersuuti-  
galugu interneti TV-lu akuleriisillugit atonerisigut piviusunngortinneqarsinnaallu-  
ni.
- Nipip assillu ilanngunnerisigut TV oqaatsinut oqaatigineqartunut aamma/ima-  
luunniit allanneqartunut ikorfartuutaasinnaavoq – tamanna ilinniarnissamut ilu-  
aqutaavoq.

- TV-p kisimiitillugu atornera atuisumut akikippoq.
- TV internetilu ataatsimoortillugit attaveqaatitsialaasinnaapput, naak tamanna nunatsinni aningaasanik peqquteqartumik killeqaraluartoq. BBC assersuutigalugu ukiuni arlalinni TV internetilu<sup>1</sup> akuleriisillugit iluatsilluartumik tuluttut ilinniartitsisarpoq. Tassani qulequttat aalajangersimasut TV-meersut sammineqartarput (nutaarsiassaannerusut), taakkualu internetikkut assingorlugit/videonngorlugit, nipinngorlugit, allattuganngorlugit, eqqorniartaganngorlugit, nassuiaatinngorlugit, oqaasilerininngorlugit, oqaatsinik eqqorniaganngorlugit allarpassuanngorlugillu takutinneqartarput.
- Kiisalu TV internetilu atorlugit ilinniartitsisoq atuisorlu/isiginnaartartorlu ilinniartitsissut [www.eforum.gl](http://www.eforum.gl) pioreersoq atorlugu imminnut attaveqatigiissinnaapput.

#### Ajoqutit:

- TV attaveqaataavoq akineqarsinnaanngitsoq.
- "Peqataaneq" pissaaq nammineerluni kajumissuseq aallaavigalugu, tamatumani lu piumasagaataavoq nittartakkap isikkuata imarisaatalu isiginnaartartumut soqutiginaruunissaa aammalu aallakaatitanik aalajangersimasunik malinnaarusussuseqartuarnissaa. Tassa imaappoq, atuisumut atoruminartuunissaaq, pilersaarinissaaq suliamullu pikkorissuunissaaq annertuumik piumasagaataapput.
- Imarisai oqaatsinut atorneqartunut nalinginnaasunut/ulluinnarni oqaatsinut killilernerqartussatut nalilerneqarput, attaveqatigiinneq ataasiinnarmik sammivilik akineqarsinnaanngitsorlu oqaatsinik tamakkiisumik atuinissamik killiliimmat.
- Atuisoq/isiginnaartartoq isiginnaagassianik aalajangersimasunik atuinissaminut/isiginnaarnissaminut kajumittuarnissaa anguniarlugu iliuusissat annertooujussuussapput.
- TV-p sammivik ataasiinnaq sammivigalugu attaveqaataanera internetimi oqaatsinik ilinniartitsinermi periarfissanit qaangerneqarsimavoq. Ullumikkut attaveqaatit marlunnik sammivillit atuartitsinermit atorneqartarput – tassunga ilanngullugit SMS, pikkorissartut nipinik videonillu aallersinnaanerit, internetikkut ilinniarnissamik periarfissat (Moodle) oqallittarfillit atuakkanik atorniartarfillit, videokkut ataatsimiinnissamut periarfissallit aammalu podcastillit. Tulliuttut tassaapput smartphones, Oqaatsinik Pikkorissarfiup aallarnisaleriigai.
- Ullutsinni pikkorissartartut amerlanersaasa ilinniartitsinerup eqaatsunissaa aammalu pikkorissartup nammineerluni sumi qaqugulu peqataanissani naatsorsuutigisarpai – tamanna TV-kkut aallakaatitsinermit ataasiinnarmik attaveqartumi akineqarsinnaanngitsumilu tulluutinnilaq.

Taamatut ilinniartitsinermit programminut aki piviusoq qanoq anguniagaqarusussuseq apeqqutaatillugu naatsorsorneqartarpoq. Oqaatsinik ilinniartitsineq interneti aqutigalugu ilinniagassartalik atortussanillu aallerfiusinnaasoq akisunerpaanut ilaavoq. Soorlu assersuutigalugu ilinniartitsineq atortussat ilisimatusarfimmi Oqaatsinillu Pikkorissarfimmi ineriartorteriikkat, TV-mut "tulluarsagaannagassat" tunngavigissagaanni, ilinniartitsineq akikinnerulaartillugu suliarineqarsinnaavoq.

Akimut apeqqutaavoq, ilinniartitsinissami tunngavigineqartoq suliarineqareersimanersoq imaluunniit suna tamaat naqqaniit aallartinneqartariaqarnerisooq. Oqaasilerisut sulinissamut tunngavissat aqqissuutussaavaat, taakkualu ilinniartitsinermit tunngaviusussaaq,

<sup>1</sup> Se <http://www.bbc.co.uk/worldservice/learningenglish/>

allatassat, nipimik immiussineq allagartalersuinerlu, pilerisaarutit, assilissat nipillu immi-unnerat kiisalu aaqqissuineq, TV-kkoortussamik aaqqissuussinermi suliassat ilaannai eqqaassagaanni, isumagisussaavaat.

Akinut assersuutitut taaneqarsinnaasut tassaapput, Aatsitassaqarnermut Pisortaqarfiup imarisaatigut uku akisussaaffigisimasai: Inuk Mediap videot pingasut Alcoamut tunngasut suliarisimavai, Sermitsiarlu malillugu taakkua katillugit 991.998 kr.-inik akeqarsimapput. Master Media aamma aatsitassanik paaaneq pillugu tallimanik videoliorsimavoq, aallakaatitallu ilaat ataaseq, Aatsitassanut Pisortaqarfik naapertorlugu, 200.000 kr.-inik akeqarsimavoq.

Inussiarnersumik inuulluaqqusillunga

Mimi Karlsen